

Табасарандин сес



Табасаран райондин
жямьяьтлугьдинна - политикайин газат



Голос
Табасарана

№ 15 (1210) Жвуми, 11-пи апрель, 2025-пи йис (2001-пи йисан 5-пи майдианмина удубч1вур)

СВО-йин игитар

Кьягьял баярин орденар - багьридарихьна

Апрелин 4-ди «Табасаран район» МР-ин Глава Мягьямед Кьурбанов СВО-йиь нацистарихьди женгнаь гьийиху эскрарин абйир-бабарихьди, багьридарихьди гюрюшмиш гьахьну, ва дугьу дурарихьна чпин багьридарин гьюкуматдин наградйир тувну. Эскервалин гьуллугьнаь улупу кьягьялвализ, клубанвализ лигну, Ярса гьул'ан вуйи старшина Рафим Селимов, Фурк'ил гьул'ан вуйи рядовой Абдулгьюсей Халибегов, Ягьдигь гьул'ан вуйи ефрейтор Рамазан Рамазанов, Тивак гьул'ан вуйи прапорщик Алавудин Шихьялиев, Ругуж гьул'ан вуйи старшина Исамутдин Гьажимуратов йик1бан кьяляхь



Кьягьялвалин орденарихьди лишанлу гьаплну.

Думут'анна савайи, Хючна гьулан агьали, Кьягьял

валин ордендин сагьиб Рафик Исрафилов РФ-йин

президентдин Указдинди Жуковдин медалихьди йик1бан кьяляхь лишанлу гьаплну.

Мягьямед Кьурбановди, гьак1и жигьиларин абйир-бабариз теклиф кап1ри, гьаплну: «Гьяйифки, гьира гьийиху жигьиларин багьридарихьна баярин гьюрматлу наградйир туврахьа. Гьелбетда, гьюкуматдин саб жюреин наградйирихьанра велед имдрувалин дерд ц1иб аплуз даршул. Ихь жигьилари Ватандин сьргьятар уьрхбаь чпин буржийир намуслувалиинди ва лайикьлувалиинди, жанар гьайиф дарап1ди, тамам гьаплну. Му саб ичв хизанарин дерд дар, ихь варидин дерд ву. Гьаддихьди

(Аьхир 2-пи машнаь.)

Мектебдин футболдин лигайин тамашйир ккергьну



Ихь районди Мектебдин футболдин лигайин республикайин этапдин финалин 32-дикаь 1-пи пайнан тамашйир к1ули гьушну. Йирхьудпи апрелиь Хючна гьулан стадиондиь думу соревнованийр ачмиш ап1бан серенжемдиь райондин глава Мягьямед Кьурбановра иштирак гьахьну. Соревнованийриь ихь район-

дин ва Мягьячгьала шагьрин 2-9-пи классарий урхурайидарин командйирин арайиь, яшнан категорйириз лигну, 8 матч к1ули гьушну. Футболдин матчдиз тамаша аплуз ахью кьадар тамашачйирра уч гьахьну. Дина райондин администрацияйин главайин жямьяьтлугь ха-

(Аьхир 8-пи машнаь.)

Гьуларин администрацияриь

Ляхнин гьякь-гьисаб гьаплну

«Арак гьулан совет» СП-йин глава Салман Абдуллаевди 2024-пи йисан гьаплу ляхнин гьякь-гьисаб гьаплну. «Арак гьулан совет» МО-йин депутатарин Собраниейин ачухь заседанийиь райондин образованиейин Управленийин начальникдин вазиьфир вахтназ тамам аплурайи Бахиш Аьгьмадов, депутатар, жямьяьтдин агьалийир, СП-йин кешанариин али жюрбежюр тешкилатарин вакилар аьи. Уч духьнайидар 2024-пи йисан гьаплу ляхнин гьякь-гьисабдин докладдихьди Салман Абдуллаевди таниш гьаплну. Чан докладдиь дугьу «Арак гьулан совет» СП-йиз дахил шулайи Арак, Ц1ийи-Лижва, Цухдигь ва Лижва гьуларий к1ули гьубху ляхникан гьаплну. Думу гьуларий яшамий шулайи агьалийирин кьадар 2336 кас ву. Душварий 3 мектеб, 4 ФАП, биц1идарин багь, культурайин 2 Хал а. Салман Абдуллаевди гьуларин поселенийриь генпланар тартиб аплурайиваликан мялумат тувну. Гьуларин поселенийир территориальный зонйириз пай ва сьргьятарин сиягь бик1бакан гьаплну. Гьацира дугьу чан докладдиь саб-швнуб чарасуз гьал даплну кьуни месэлийр гьит1ирккнун: электроакварин напряжения ц1ибди вуйиваликан, убхьру штун гьякьнаан кьитвалар айиваликан, гьуларий санитарияйин гьал, асас вуди рякьярихь, лазим вуйи кьайдайиь адруваликан. Тамам гьаплу ужудар ляхнарикан улхури, Ц1ийи-Лижва ва Цухдигь гьуларин кючйирий рякьяр, Ц1ийи-Лижва гьулаь булагь рас ап1бакан, Арак гьулаь ФАП ишлетмиш вализ тувбакан, гьуларин кючйирий бурузарик аквар кит1бакан гьаплну. Гьацира дугьу «Ерли жьагьтлувалар» проектдин программийинди Цухтигь ва Арак гьулариз багахь йисари мини-футболдин майднар тикмиш, Ц1ийи-Лижва гьулан культурайин Хал капитальный рас, Ц1ийи-Лижва гьулаь гьийин деврин т1алабариз жаваб тувру аьлакьайин узел тикмиш аплуз планар айиваликан гьаплну. Салман Абдуллаевдин 2024-пи йисан гьаплу ляхнин гьякь-гьисабдин докладдихьан гьулан поселенийин депутатари дугьан ляхниз рази хьуз шул кьимат тувну.

(Аьхир 2-пи машнаь.)

Къягъял баярин орденар - багъридарихъна

(Эвел 1-пи машна.)

сабси, дурарин гъунарииндира, к1убанвалииндира уткан дархъиди гъузуз шулдар, дурариз ужуз тербия тувбаз учвуз аферин. Баяр къяляхъ ап1уз шулдар, хъа дурарин гъюрмат уьбхюз ухъу буржлу вухъа. Дурарин ччвурар, ихъ ватанпервераринси, къягъял жигъларинси нумуна вуди, ихъ райондин тарихди гъаргандиз гъуздн. Муниципалитетдин руководители гъапнуки, СВО-ий гъийиху иштиракчийрин хизанариз райондин администрацияи жележегдира чакъан удукъру гъартерфлу кюемк тувиди.

**Фарзилат РАЖАБОВА.
Н. РЯГЪИМОВДИ**
гъиву шикил.

Ляхнин гъякъ-гъисаб гъап1ну

(Эвел 1-пи машна.)

Улихъна йигъари «Тивак гъулан совет» МО-ийн депутатарин Собраниеийн ачухъ заседаниеийн «Тивак гъулан совет» СП-ийн глава Ибрагъим Гъяжиевди 2024-пи йисан чпин СП-ийн гъап1у ляхнин гъякъ-гъисаб гъап1ну. Заседаниеийн СП-ийз дахил шулайи Тивак, Хуст1ил ва Гурхун гъуларин агъалир, жямаятлугъ тешкилатарин вакилар, райондин администрацияийн терефнаан райондин администрацияийн экономикаийн отделин начальник Мягъямедагъа Амирялиев иштирак гъахъну. Ибрагъим Гъяжиевди чан докладди, 2024-пи йисан гъап1у ляхнин мялум ап1ури, гъапну: «2024-пи йисан рякъяр рас ап1баъ хайлин ляхин к1ури гъубхунхъа. Тивак гъул ан жара йишварий яшамаш шулайи меценатарин кюемкниинди, Тивак-К1ежюх рякъюн 5 километр рас гъап1ну, хъа райондин бюджетдиан дакъатаринди Тивак гъулан конторайин кючейин 1,5 километр манзилниин асфальт улубзну, вари гъуларин айт1 вуйи рякъяр нормайинди улупнайи къайдайиз гъахну. Гъябгъюрайи йисан райондин бюджетдин, яни транспортдин налогдин, дакъатаринди Тивак гъулаъ Ригъ алабхъру терефнаан кючейин асфальт улубзун планламиш дап1на».

СП-ийн главайи «Тивак гъулан совет» районди т1умут1 гъясил ап1бан бинийрикан саб вуди гъисаб шулайивал, 2024-пи йисан 3 агъзур тоннт1ан артухъ т1умт1ар гъясил ап1увал, жилин арендайихъ туврайи пул СП-ийн бюджетдин хайлин пай вуйивал къайд гъап1ну. Докладдин улхури, агъалири хайлин суалар тувну. Гъадарин арайиз К1ежюх-Тивак-Гъеп1ил рякъин асфальт улубзувал айи. Гъадму месэла гъял гъабхъиш, райцентриз, Дербент райондиз гъягъюз-гъюз хайлин рягъятвалар арайиз гъюруваликан гъапну. Гъулан мяишатдин продукция гъясил ап1рударизра думу месэла гъял ап1ували хайлин гъулайвалар арайиз хуру. Ибрагъим Гъяжиевди думу рякъ Дагъавтодорин балансди айиваликан, багахъ йисари думу рас ап1бан пландик кипуз зегъмет зи гурайиваликан гъапну. Гъит1иркку жара месэлийр: Тивак гъулаъ амбулаторияийз дарамат дивуб, гъацира думу гъулан агъалирииз штун гъуйир риккуб ва жарадар. Амбулаторияийз дарамат дивбан бадали, думу сагъламвал уьбхбан сабни звено ап1бан республикаийн программаийк кипуз чалашмиш духъну ккунду, гъапну Ибрагъим Гъяжиевди.

Заседаниеийн натижийринди Ибрагъим Гъяжиевди 2024-пи йисан гъап1у ляхниз рази хъуз шлу кымат тувну.

**Фарзилат
РАЖАБОВА.**

Дурарин гъунараар ухъу к1ваълан гъаъну ккундар

Ццийн йисан Ватандин Ахъю дявди Ахъю гъалибвалин 80 йис къайд ап1урашра, думу дявди гъунараар улупу, Ватан бадали, чпин жандилан хил алдабгъу, женгнан майданди жанар диву игитарин ччвурар, дурарин накъвар бегъемди ашкар дап1ну ккудубк1надар. Жюрбежюр шагърари, гъуларий тешкил дап1найи ТОКС-дин дестийри дурар гъира ахтармиш ап1ури ими. Думу дестийри хайлиндарин ччвурар, накъвар, гъунараар агъю гъап1ну, ва думу ляхин давамра ап1ура.

Ватандин Ахъю дявдин йисари, фронтдиз гъягъру жигъилар, гъелбетда, чан багъри Ватан душмандихъан азад ап1бак пай кивуз къаст ади гъягъюйи. Хъа варидин къисмат чан к1ваъ айибси, чаз ккунибси гъабхъундар. Апрельин 11-ди ихъ улкеийи фашистарин концлагерий гъахъи йисираар азад гъап1у Варихалкъарин йигъ къайд ап1уру. Гъадму йигъахъди аьлакьалу вуди, йисирвали ашра, Ватан бадали женгнаъ йигъар-йишвар гъау игит бай Мурадяли Ахъимурадовдикан дибриклуб дюз даруб гъисаб гъап1уна.

Мурадяли Ахъимурадов (дугъаз гъуларин Адаш-бай к1уйи) Ц1урут1ил гъулаъ бабкан гъахъну. Гъулан вари жигъиларси, думура, чаз повестка гъафиган, Ватан душмандихъан азад ап1бак пай кивуз дявдиз гъушну. 1942-пи йисан Харьков шагъур душмандихъан азад ап1баъ, нубатнан женгнаъ дугъаз гъагъи зян гъабхъну. Душваъ амриан душну, чюли дахънайи думу душмнари йисирвализ гъадагъну.

Дидхъанмина дявдин ахъиризкъан думу «Закинхаузен» ччвур тувнайи концлагерий йисирвализ ими. Ватан душмандихъан



азад ап1бак пай кивуз ккуни Ахъимурадовди, концлагерий ашра, к1ваз архаинвал туври гъабхъундар. Душваъ дугъу учвси йисирвализ айи генерал Д.М. Костышевдихъан жини корреспонденция лазим вуйи йишвахъна гъабхури гъахъну. Дици вуйибдикан улихъна йисари мялуматар гъидихъу Омскдин краеведар гизаф шад гъахъну, ва дурар Хасавюрт шагърий тешкил дап1найи ТОКС-дин дестейиз дидкан мялумат тувну. Думу мялуматариинди, концлагерий Мурадяли Ахъимурадов Йосиф Виссарионович Сталиндин бай Яковдихъдира гюрюшмиш гъахъну.

Мурадяли кюб ражари йисирвалиан гъергуз чалашмиш гъахъну, амма гъергувал ягъурсуздн ккудубк1ну. Концлагерий алахъу читинвалариан гъибихъу узри Ахъимурадов кюби ликарихъра мягърум гъап1ну.

Ватандин Ахъю дявдин къяляхъ Мурадяли Ахъимурадов кюд йисан Сталинград шагърий лихури

гъахъну. Багъри гъулаз къяляхъ гъафиган, думу, кюби ликара ккадаршра, архаинди гъузундар. Дявдин йисари бегъем читинвализ, аьжувализ абхънайи гъулан колхоз, гъацира жямаят ликт1ин ап1бак чан пай кивуз къаст гъап1у Мурадяли бригадирди дийигъну. Хъасин МТФ-ийн завдуоцийди, къяляхъна колхоздин председателди гъилихну.

Гъулан яшлуйири думу вахтар к1ваин ап1руган, Мурадяли бригадир вуйи вахтна йишвандин арайи шубуб сьаьтдикана ахуз мумкинвал тувурдайи, гъач1нин ахсрар ккивубси, кючийри «учвуз ляхин гъаз к1ваинди дарчвуз, ригъ бегъем абгайиз, иган убгуз гъаз удуч1вурдарча?» -к1ури, гъарийр, ч1игъар ап1уйи, к1ур. Гъацира, вазлин арайи жямаятдихъди кюб-шубуб собрание гъахури, йигъ-йишвар дарпиди ляхин ап1ну, гъул, улке ликт1ин, ляхнин ери за дап1ну ккуниваликан к1уйи, ужуз зегъмет зиг-рударин тариф ап1ури, темплер арайиз адагъуйи.

Мурадяли Ахъимурадовдин 100 йис тамам гъабхъи вахтна Омскдин краеведариз дугъан гъунараарин ашкар гъабхъну. Хъа думуган думу уьмриан душну сад-швнуд йис вуйи. Дурари дугъан 100 йис, хъа генерал Д. М. Костышевдин 130 йис хъувал, дурарин гъунараарин ктибтури, къайд гъап1ну. Хъа дугъан гъунараар, гъелбетда, дугъан ахъю хизанси, багахълуийрси, гъуларандарра шад гъап1ну, дугъаз чаз дурар ашкар ап1бан шадвал гъисс ап1уб къисмат гъабхъундар.

Гъацдар игитар, ватанперверар гъамусдин ва жележегдин жигъий наслариз нумуна ву. Ватан гъубхдарин гъунараар ухъу саб вахтнара к1ваълан гъаъну ккундар.

(Хизандин архивдиан шикил).

Ватандин Ахъю дявдин йисар к1ваин ап1ури

Мялум вуйиганси, 1941-1945-пи йисари фашистарихъди вуйи дяви лапра зулуматдинуб гъабхъну. Думу дявди пашманвал, дарвал, аьжувал, касибвал, гаш вал дархи хизан ихъ улкеийи гъичра гъубзундар. Ихъ райондин гъарсаб гъулаъра гаш валиан, тарагъру узрариан саб-швнуб хизан бегъемди т1анкъ гъахъну. Ватандин Ахъю дявдин йисари гъулаъра, хулаъра гъазанмиш гъап1убдин ахъюну пай дявдин женгарий айидариз хътап1ури гъабхъну. Думу читин йисарикан к1ваин ап1ури, йиз сижар Сефият Ражабовайи (гъамус рягъматлу) гъамци ктибтури шуйи: «Учу 1939-пи йисан ноябрь вазли эвленмиш гъахънийча, хъа 1940-пи йисан февраль вазли йиз жилир Уьру армияийз гъурхнийи. Армийий дугъан гъуллугънан вахт ккудубк1лайиз ургуб ваз ккимиди, Ватандин Ахъю дяви ккебгънийи. Ав, узуз, жигъил швушваз, думу дяви ккебгъну к1уру хабар гъебхъу йигъ йиз уьмрий варт1ан пашман йигъси гъабхънийуз. Думу йисари ич хизанди айидар вари ляхин ап1уз удукърудар вуйич. Йиз сижар Къизилгюл баб яшлу вуйи, хъа йиз жилирин ими, Селим адашра, дугъан хпир Гюлизар бажира ляхин ап1уз, яни мяишатдин ляхнарийн лихуз, шлудар вуйи. Хъа ляхин ап1уз шлу инсанра, фикрари, дерде-

ри кувватнаан адауйи. Дяви ккебгъну гизаф вахт гъябгъийиз, Селим ими зегъметнан фронтдиз гъурху. Гъубк1ну ип1рубра адарди, ахъюдира вуди, йигъ-йишвар дарпиди гъанавариин, окопарийн лихури хъувалиан думу зарбди уцру гъахънийи. Сад йисна вазари душварий имиди, хъасин лицуз гъялра кимдарди, йицарин мярхари итну, думу гъулаз гъахънийи. Гъулаз гъафир, йирхъуб вазли ахъникк дахъну, саб тягъари ликт1ин гъахънийи. Дугъан хпир Гюлизар бажира Хасавюртди, Бабаюртди, К1яжхъи гъанавар, окопар риккуз саб-швнуб ражари гъушнийи. Хъа йиз сижари к1уруш, йигъ-йишвар дарпиди балин кагъзариз ккилигури, Аллагъдиз ккарагури, вахтар адауйи. Дявдин йисари ризкънахъ лицури, гизаф гъилицинар гъюри шуйи. Йиз сижари дурар сар каскъана ич1иди къяляхъ гъаурдайи. «Гаш вали думу аьжузар хул ан адаъна, саб каркнаъ айиб гъадариз саб ражари уклан ашдик кабхъуз шулу. Му садакъа дявди айи йиз балин улихъ дийибгъур», - к1ури шуйи дугъу.

Думу йисари къабидарра, бицидарра, дишагълийирра вари, хут1лий, хъараъ, колхоздин малариз нубатнахъди хъайивал ап1ури, лихуйи. Бизар хъувал, эргвал йивувал агъдайи. Узура гъулан мяишатдин ляхнарийн

лихуйза. Жилир дявди а, къаби сижар ялгъуздн ву к1ури, гъанавар риккуз узу гъаундайи. Жуван хулан мяишара к1ули гъабхуйза. 25 сотых йишвар узуну Гюлизар бажийи лапаткаийхъди рибккуйча, душваъ дяхин убзуйча. Гъадарт1ан савайи, саб-швнуб мал уьрхюри, дурариз кюрдуз аьлаф, къял инди хури, уч ап1уйча. Думу йисари хусуси бахчийри ризкъ битмиш ап1уйи, ч1урарий йимишдин, хифран гъарар кивну шуйи. К1ваин алдру ризкъ Аллагъди тувур к1уруганси, хифарси, йимишарси, рякъюн укларра гизаф шуйи. Хифарра колхоздиз уч ап1уйи, йимишар ерцру йишвар тикмиш гъап1нийи, гъеерцдар фронтдиз хъадауйи. Колхоздиз хифар уч ап1руган, гъюргъдар гъяди шуйи, гъадар ктаури, бригадирхъан жиниди уч ап1ури, хулаз хуйча. Хъа кюрдун ярхи йишвари фронтдиз хътауз ат1нар, элгъар ургъури шуйча.

Думу йисари, йиз жилирси, йиз ахъюну гъардаш Къурбанялира, имийн бай Нурмягъямедр дявдин женгарий айи. Йиз жилирихъан вазарик кагъзар гъюри шуйи, хъа гъардшихъан кагъзар адарди сад йист1ан гизаф вахт гъабхънийи. Думу сад йист1ан артухъ вахтна душмандин йисирвализ гъахънийи. Дугъаз

(Ахъир 3-пи машна.)

Образованиеийн идарйирин руководителарихъди совещаниеий

Газатдин ккудубшу нумрайи чап дапнаи «Образованиеийн идарйирин руководителарихъди совещание» макъалаий газатдин нубатнан нумрайи думу совещаниеий гьал гьаплу месэлийрикан биклуз гаф тувнийча. Туву гаф тамам аплурача.

2024-пи урхбан йисандин муниципалин, региондин этапарин натижийрикан мялумат образованиеийн Управленийин ИМЦ-ийн заведующий Зумрият Мягьямедовой тувну. Олимпиадир 24 предметдиан юкьуб этапди клули гьушну. Мектебдин этапди 4-11-пи классариан 6441 урхурайир, муниципалин этапди 7-11-пи классариан 1504 урхурайир иштирак гьахьну. Гьадму урхурайидарин арайиан 69 гьалиб гьахьну, 347 урхурайири приздин йишвар гьадагьну. Вари предметариан гьалиб гьахьидар ва приздин йишвар гьадагьдар кьадар гьисабниинди, варитан ужудар натижий райондин Гимназияий, Хючнаарин гизаф профилар айи 1-пи нумрайин лицейий, Хючнаарин 2-пи нумрайин, Татларин, Ярсарин, Къужникарин, Хянгьарин къялан мектебарий урхурайидари улупну. Региондин этапди 16 урхурайир иштирак гьахьну, гьадрарикан 5 урхурайири приздин йишвар гьазанмиш гьаплу: Альфия Селимовайи (Къужникарин СОШ)-ихтиярар урхбаан; Кезбан Зульфьярарвайи (Хянгьарин СОШ)-тарихдиан; Маида Пирмягьямедовойи (Гьепил СОШ) ва Фатима Гьясановойи (Райондин Гимназия) - литературариан.

Математика ва физика предметариан улупбар зяифдар вуди гьисаб шула, муниципалин этапди 73 иштиракчийикан анжах сар гьалиб, шубур призер гьахьну. УО-ийн начальникдин хатласузвалин месэлийрикан заместитель Руслан Аскеровди, УО-ийн начальникдин заместитель Эмира Халидовойи чпи гьубху ляхникан ктибтну, гьал дараплу месэлийриина фикир жалб гьаплу.

Йигьандин повесткаий улупнайи гьарсаб месэлайиан докладчикарихъ хьпехьну, райондин главайи образованиеийн Управленийин ва образованиеийн идарйирин руководителариз агьюваларин ери за аплбан, терроризмийн хатласузвал уьхбан, олимпиадйириз гьазурлулгвал гьабхбан, ГИА вари тлабариз жаваб тувру саягь клули гьабхбан месэлийрикан теклиф дивну ва табшуругьар тувну. Гьацара дугьу цибди комплектар айи мектебарикан выпускникарин кьадар лап циб шулайиваликан гьапну. Гьадихъди аьлакьалу вуди, райондин главайи циб комплектар айи мектебар кидикьуз, урхурайидар автобусариьди гьахуб тешкил аплуз теклиф дивну, гьаз гьапиш циб комплектар айи мектебар урхьуб метлебуз ву. Апрельи тажрубалу мялимарин иштираквалиинди образованиеийн совет клули гьабгьиди, гьадму месэлийрикан кьатли уьлчйир тартиб аплуз, гьадму гьисабнаан агьюваларин ери за аплбан гьакьнаанра, кьарар адабгьну.

Фарзилат РАЖАБОВА.

Редакцияийн почтайиан

Чухсагьул мялум аплурача

Улихьна йигьари "Табасарандин сес" газатдин редакцияий гьамциб кагьаз гьафну. Дидий биклура:

"Гьюрматлу редакция, учьуз кагьаз биклурайир Хьарагь гьулан агьали Ражаб Аьлиев ву. Мялум вуйиганси, цци мартдин 21-22-дидь, йиф дубгьну, мичал гьабхьнийи. Ич гьулазди электрик аквар хьадатинийи. Думуган узу райэлектросетариз зенг гьапнииза ва арайиз дуфнайи гьалнакан кидибтнийиза. Бязидар хьтругьузру мумкин ву, амма жикьи вахтнан арайи ич гьулаз электромонтерарин бригада



гьафнийи. Гьавайин читинвализ дилигди, дурари электролинияий члур дубхьнайи йишвар ашкар гьапниийи, амма

душев рас аплуз хьуркьундайи, гьаз гьапиш 100 метрийхьна кабель лазим вуйи. Хьайигьан гьачлининган дуф-

ну, участокдин мастер Гюлягьмад Гюлягьмадовдин регьберваликкди электромонтерари члур дубхьнайи йишвар рас гьапниийи.

Узуз йиз ва ич гьуландарин терефнаан райэлектросетарин руководствойииз, участокдин мастер Гюлягьмад Гюлягьмадовдиз, электромонтерар Тимур Бабаевдиз, Заур Исаевдиз, Исаф Исаевдиз, Руслан Исмяловдиз, Алим Бабаевдиз, Имран Рамазановдиз чухсагьул мялум аплуз ккундузуз."

(Гьязур гьаплу У. Кьурбанова).

Ватандин Аьхю дявдин йисар к1ваин аплури

(Эвел 2-пи машнаь.)

дявдиз гьагьайиз сар веледра (риш) айи. Хьа Нурмягьямед эвленмиш гьахьир дайи. Дяви ккудубклайиз вазар ккимиди, инвалид духьну, думу комиссовать гьапниийи. Душманди ликриз гьиву гюлле дугьу, вари уьмриьра дубхьну, накьвдизра гьубхну. Хьа йиз жилир дяви ккудубк1хьан, чан ватандаш валин гьуллугьнан кимбу уругь вазлира гьуллугь дапну, хьасин къяляхъ гьафнийи. Шюкюр ибшир первердигариз, гьадму аьхю зулуматдиан удуч1вну, Нурмягьямедра, йиз жилир Аьбдуллагьра мухриин хайлин медаларра алди гьулаз гьафнийи. Багьри ругарик къисмат кайиган, душмандихьанра фукла аплуз гьабхьундар.

Дявдин женгарий айи жигьиларихъди сабси, гьуларий, шагьрарий айи яшлу жиларира, дишагьлийирира, живан баяршубарира гьалибвалик чпин пай кивну».

Ав, думу йисарин инсанарин гьюнариин зегьметнан ва зуларин аьхю гьагьар алахьну. Дявдин йисари душманди кадахьу гьулар, шагьрар цийиклулт1ан тикмиш аплубра, читинвализ аьхьнайи уьлке ликтлин аплубра дявдин къяляхъ йисари гьадрариин алахьну. Дурари ислягь зав, аку гележег бадали улупу гьунара, гьизигу зегьметар к1ваин урхьюз, насларихьна дурарукуз, ч1ивиди имбударин гьюрмат уьхьюз ухьу гьарсар буржлу вухьа.

Ф. РАЖАБОВА.

Гьулан мяишат

Хьадукар аьхю жавабдарвалин вахт ву

Мялум вуйиганси, хьадукар уьлкеийн агропромышленный комплексди лихурайидарин аьхю жавабдарвалин вахт ву. Фици гьапиш, улупнайи вахтна хьадукаран узбувалин ляхнар ерийиинди клули гьахуваликан чвлин бегьер асиллу ву. Чвну заан ерийин бегьер гьадабгьбан бадали, ухьу хьадукаран узбувалин ляхнар хьайихьайибси клулиз адагьну, ерийин тум алахьну, агротехникаийн серенжемар клули духну ккунду.

Мисалназ, ихъ уьлкеийн гьулан мяишатдин министрствойин жавабдар ксари туву мялуматдиинди, уьлкеийн гьаму йисан 84 миллион гектар хутлар урзиди, гьадму гьисабнаан 55,8 миллион гектари хьадан тумар урзуз планламиш дапна, 20 миллион гектари чвлин тумар гьурзну. Гьаму йи-

сан ччимдин культурйир, шекрин чугьундур, бистнин мейвийр, картфар, мал-кьарайиз аьлафдиз вуйи уклар урзуру хутларин кьадар артухь дапна. Ихъ селекционерари ва тумар гьязур аплудари ужуб ляхин гьабхурайивализ лигну, аграрйир гьаму йисан 70 процентдихьна ихъ уьлкеийн гьязур гьаплу тумрахьди тямин дапна.

Ихъ республикаийн аграрйиркан улхуруш, дурари гьарисан урзуру хутларин кьадар артухь аплура ва душварилан заан бегьер гьадабгьура. Дагьустан Республикаийн гьулан мяишатдин ва тартиб аплуру промышленностдин Министерствойин пресс-гьуллугьну туву мялуматдиинди, республикаийн 2024-пи йисан 96 агьзур гектар хутларий чвлин мягьсу-

лар гьурзну. Пишекларин гьисабариинди, чвлин мягьсулар дурзнайи хутларин гьал жубу ву. Гьамусяьтна республикаийн аграрйир хьадан тумар урзбиин, яни хьадан чюлин ляхнар клули гьахувалин машгьул духьна. Республикаийн 234 агьзур гектари хьадан тумар урзиди. Мал-кьарайиз аьлафдиз вуйи уклар, тахил, бистнин мейвийр урзуз хутлар гьязурди ву. Узбувалин кампания ерийиинди клули гьабхуз заан ерийин тумарра лазим ву. Республикаийн хутларий хьадан тумар урзуз 13 агьзур тонн тум, 60 агьзур тонн тумраз вуйи картфар лазим ву. Пишекларин гьисабариинди, республикаийн 60 процент аграрйир ихъ республикаийн гьязур гьаплу тумрахьди тяминди ву. Гьурзу хутларин

заан ерийин бегьер уч аплбан бадали, удобнейиран лазим ву. Гьац, гьаму йисан республикаийн аграрйири гьурзу хутларин 16 агьзур тонн минералин ва 1,5 миллион тонн органикаийн удобнейир алахьуз планламиш дапна.

Гьамусяьтна республикаийн хутларий клули гьахру ляхнартлан савайи, аграрйир йимишдин багьарий гьарарин к1ак1 гьадабт1увалинра, лит1ариинди шид тувру кьурулушар гьязур аплувалин ляхнар клули гьахувалинра машгьул духьна. Гьаму йисан республикаийн 500 гектари йимишдин цийи багьар итуз планламиш дапна.

Аграрйирин варитан читин месэла гьубк1ну техника адрувал ву. Техника адруган, битмиш гьаплу бегьер саб пучвал

адарди уч аплуз мумкинвал шулдар. Дурари гьарисан узбувалин кампания ккебгьайиз чпиз айи техника рас аплувалин ляхнар клули гьахуру. Мисалназ, чвлин ва кьордун йигьари республикаийн аграрйири 2 агьзур аьдад гьулан мяишатди ишлетмиш аплу техника рас, 3,5 агьзурилан зина тракторарин агрегатар гьязур гьаплу.

Ихъ райондин аграрйиран гьамусяьтна хьадан чюлин ляхнариин машгьул духьна. Районди 900 гектарилан зина чвлин мягьсулар дурзна, 2000 гектари хьадан тумар урзиди. Цийи багьар итувализра асас фикир тувра.

Материал чапдиз гьязур гьаплу гьулан мяишатдин отделин редактор У. АЬДУЛКЕРИМОВА.

Педагог – профессия будущего

Профессия учителя является одной из самых значимых и важных. Быть учителем – это не просто работа, это призвание и возможность влиять на жизнь молодого поколения. Она требует не только знаний в определенной предметной области, но и педагогических навыков, терпения, творческого подхода и общей любви к детям.

Максим Горький говорил, что «детей должны воспитывать люди, которые по природе своей тяготеют к этому делу, требующему великой любви к ребятишкам, великого терпения...»

Учитель – это призвание, а не просто роль и должность.

Профессия учителя привлекает прежде всего своей гуманностью и благородством, в связи с чем, с целью формирования у учащихся 9-11 классов навыков профессионального самоопределения с апреля 23 года в 5 МКОУ района - это «Хучнинский многопрофильный лицей №1», «Гимназия Табасаранского района», «Хучнинская СОШ №2», «Ерсинская СОШ», «Ха-

нагская СОШ», в сотрудничестве с ДГПУ и Избербашским педколледжем, функционируют психолого-педагогические классы в рамках различных профилей (естественнонаучный, гуманитарный, социально-экономический, технологический, универсальный). Психолого-педагогический класс – не только важный элемент системы непрерывного педагогического образования, но и механизм выявления и поддержки педагогически одаренных обучающихся. По итогам работы этих классов мы ожидаем, что в этом учебном году 10 выпускников вышеназванных МКОУ выберут профессию «учитель».

Сегодня, мы обращаемся и к остальным выпускникам 2024-2025 учебного года, с призывом выбрать профессию учителя, ведь педагог – это профессия будущего.

В настоящее время в нашем районе не хватает учителей иностранных языков или вовсе их нет – это в МКОУ «Аракская СОШ», «Рушульская СОШ», «Хурикская СОШ», «Туруфская

СОШ», «Фиргильская СОШ», «Хустильская СОШ», «Ханакская ООШ» и Хурьякская ООШ».

К сведению выпускников вузов и ссузов:

– в России действует Госпрограмма «Земский учитель», которая стартовала в 2020 году и продлена до 2030 года, по этой программе 6 учителей английского языка приехали в наш район, в МКОУ «Гуминская СОШ», «Бурганкентская СОШ», «Цанакская СОШ», «Хапильская СОШ», «Гасикская СОШ», «Гимназия Табасаранского района» и получили по 1 миллиону рублей. Подать заявку на конкурс вакансий можно с 1 января до 15 апреля.

В проекте «Земский учитель» могут участвовать педагоги со средним профессиональным или высшим педагогическим образованием, на момент подачи документов кандидату не должно быть более 55 лет. Для этого нужно зарегистрироваться на сайте и предоставить необходимые документы, по Госпрограмме учитель должен проработать 5 лет.

К сведению педагогов:

Также, курсовая переподготовка педагогов – путь к повышению квалификации, путь к освоению новых знаний по разным предметам.

На сегодняшний день педагогам предлагается огромный спектр услуг повышения квалификации: в учебных заведениях – очное обучение, очно-заочное обучение, заочное, дистанционное обучение, на курсах повышения квалификации, семинары и т.д.

Выпускники курсов повышения квалификации получают удостоверение – подтверждение факта, что они информацию усвоили и готовы применять на практике. Результат переподготовки – диплом государственного образца, 41 педагог получили дипломы по различным специальностям.

Цели учебы тоже разные: в первом случае человек обновляет и актуализирует знания в имеющейся сфере, во втором – осваивает новую специальность, например, учитель английского языка.

МКУ «Управление образования».

Энцефалит — это острое инфекционное заболевание

Клещевой вирусный энцефалит — это острое инфекционное заболевание, которое поражает центральную нервную систему. Возбудитель болезни передается человеку через укус зараженного клеща, а также с его слюной, которая содержит обезболивающие вещества.

Клещи, являющиеся переносчиками инфекций, распространены практически повсеместно в России. Их активность обычно начинается весной, когда температура поднимается выше +5 °С, и продолжается до конца лета или начала осени.

Ежегодно регистрируется около 400–500 тысяч случаев укусов клещей. В целом статистика по укусам остается примерно на одном уровне. Однако в период пандемии COVID-19 она несколько снизилась из-за ограничительных мер, которые также повлияли на другие инфекционные заболевания. Тем не менее, по итогам 2022 года мы видим продолжение тенденций, наблюдавшихся в 2018–2019 годах.

Чем опасны клещи?

Укус клеща может привести к заражению различными инфекциями. Наиболее опасными из них являются клещевой энцефалит, боррелиоз (болезнь Лайма), туляремия, крымская геморрагическая лихорадка и другие. Эти заболевания могут вызвать тяжелые и необратимые последствия, такие как параличи, нарушения функций

мозга и нервной системы, поражения суставов и внутренних органов, инфекционно-токсический шок и даже смерть.

Как обезопасить себя от клещей?

Отправляясь на природу, помните о простых правилах:

1. Выбирайте одежду и обувь, которые максимально закрывают тело: длинные брюки и рубашку, головной убор, высокие ботинки или кроссовки.

2. Следите за тем, чтобы воротник и манжеты плотно прилегали к телу. Заправляйте все, что можно, внутрь.

3. Выбирайте светлую одежду — на ней легче заметить темного клеща.

4. Используйте репелленты, которые отпугивают клещей. Чаще всего их наносят на одежду.

5. Периодически осматривайте одежду — свою и ваших спутников. Потрясите ее над ванной, по возвращению домой.

6. Тщательно проверяйте шерсть питомцев после прогулки.

7. Собирая красивый букет полевых цветов, проверьте его — там может быть «сюрприз» в виде притаившегося клеща.

8. Не забывайте о профилактических осмотрах и вакцинации.

Что делать, если клещ укусил?

Если присасывание клеща все же произошло, первичную консультацию всегда можно получить в медицинской организации. Человеку, пострадавшему от укуса клеща,

необходимо обратиться за медицинской помощью в территориальную поликлинику по месту жительства или районный травмпункт для удаления клеща и доставки его на исследование, а также для организации медицинского наблюдения, с целью своевременной постановки диагноза клещевой инфекции и решения вопроса о назначении профилактического лечения.

Если по какой-то причине у вас нет возможности обратиться за помощью в медицинское учреждение, то клеща придется удалять самостоятельно, причем, чем раньше Вы удалите впившегося паразита, тем лучше.

Как действовать:

1. Используйте специальные инструменты для извлечения клеща (пинцет, клещедёр), а также средства дезинфекции (спирт, йод, перекись водорода).

2. Захватите клеща пинцетом. Держа его перпендикулярно поверхности укуса, аккуратно поверните тело клеща против часовой стрелки и извлеките его из кожных покровов без резких движений.

3. Если у вас нет специальных инструментов, можно аккуратно зацепить клеща пальцами, обернутыми марлей, ниткой или салфеткой. Не трогайте клеща голыми руками.

4. Место укуса продезинфицируйте, тщательно мойте руки.

5. Клеща поместите в герметичную емкость и доставьте на исследова-

ние в микробиологическую лабораторию.

Если в течение месяца после укуса клеща вы почувствовали себя плохо, отметили повышение температуры, увеличивающееся красное пятно на месте укуса или ощутили зуд — незамедлительно обратитесь к врачу.

Поможет ли вакцинация?

Сегодня доступна бесплатная вакцинация от клещевого энцефалита, которую можно сделать в поликлиниках. Доступны как отечественные, так и импортные вакцины. Это способ обезопасить себя, если вы находитесь в зоне распространения заболевания.

Вакцинация от энцефалита проходит в несколько этапов, что необходимо для выработки стабильного иммунитета. Первую прививку обычно делают осенью, чтобы подготовиться к весенне-летнему сезону. Повторная иммунизация проводится в начале зимы. Ревакцинация осуществляется через 9–12 месяцев. Если вы не успели заранее подготовиться, возможна экстренная вакцинация.

Напоминаем Вам о важности профилактики и осторожности, а также о необходимости вакцинации во время летних прогулок на природе. Берегите себя и своих близких, наслаждайтесь природой, но будьте бдительны.

ФБУЗ

«Центр гигиены и эпидемиологии в РД в Кайтагском районе».

О применении режима

ВЫСЫЛКИ

В соответствии с Указом Президента Российской Федерации от 30 декабря 2024 г. № 1126 «О временных мерах по урегулированию правового положения отдельных категорий иностранных граждан и лиц без гражданства в Российской Федерации в связи с применением режима высылки», который направлен на усиление контроля в миграционной сфере и определяет особенности правового положения иностранных граждан, подлежащих включению в реестр контролируемых лиц.

Указом в целях реализации Федерального закона от 8 августа 2024 года № 260-ФЗ «О внесении изменений в отдельные законодательные акты Российской Федерации» также установлен четырехмесячный срок (с 1 января 2025 года по 30 апреля 2025 года), в период которого иностранные граждане, находящиеся на территории Российской Федерации с нарушением сроков пребывания или их работодатели, могут обратиться в органы внутренних дел Российской Федерации, в том числе через уполномоченные организации (филиалы ФГУП «ПВС» МВД России) для урегулирования правового положения и получения необходимых разрешительных документов (например патента или разрешения на работу).

Иностранные граждане, на которых распространяются действия Указа, являются незаконно находящимися, поэтому в отношении них проводится обязательная дактилоскопическая регистрация в соответствии с пунктом «к» части первой статьи 9 Федерального закона от 25 июля 1998 г. № 128-ФЗ «О государственной дактилоскопической регистрации в Российской Федерации».

Минздраву России положения Указа предписывают организацию проведения медицинского освидетельствования иностранных граждан, на которых распространяются положения Указа (незаконно находящиеся). Также при подаче заявления о выдаче патента, РВП, ВНЖ представляется документ, подтверждающий владение иностранным гражданином русским языком, знание истории России и основ законодательства Российской Федерации на соответствующем уровне, за исключением случаев, предусмотренных статьей 15.1 Федерального закона 115-ФЗ, Указом Президента Российской Федерации от 19 августа 2024 г. № 7022.

Одним из условий, установленных пунктом 2 Указа, является отсутствие у иностранного гражданина задолженности по обязательным платежам, подлежащим уплате в соответствии с законодательством Российской Федерации (по штрафам, налогам).

Решить вопрос об урегулировании правового положения после 1 мая 2025 года будет невозможно. С этой даты в отношении иностранных граждан, утративших законные основания для пребывания в нашей стране до их выдворения за пределы Российской Федерации, будут применяться все предусмотренные законом меры по ограничению отдельных прав, в том числе на въезд в Российскую Федерацию в будущем.

**Начальник
МЦ ОМВД России
по Табасаранскому району
подполковник полиции
Умалатов Р.У.**

СВО-ийн игитар

Чухсагзулин кагъаз гъафну

Урусатдин Яракълу Къувватари гъуллугъ аплури, ислягъ халкъ украин нацистарихъан азад аплбак ихъ халкъдин агъзариинди вакилари пай кивра. Гъацдарикан сар Жагътлил гъулан агъали Маншаллагъ Къаибовра ву.

Маншаллагъ Къаибов, Куркарин къялан мектеб ккудубкӀну, Мягъячгъала шагъриь Дагъустандин госуниверситетдиь юридический факультетдиь урхуз учӀвнийи. Университет ккудубкӀну жигӀла пишекри къюбпи образованиера Дербент шагъриь гъулан мяишатдин техникумдиь гъадабгъну. Хъа чан пишейхъди вуйи ляхинтӀан мугъаз инсанарин ихтиярар уърхбаан айтӀан ляхнарин органариь ляхин къабул гъабхъну. Мягъячгъала шагъриь сад-швнуд йисан ОВД-ийь лихбан къяляхъ мугъу Чечен республикаийь Яракълу Къувватариь гъуллугъ аплуз контракт гъибикӀну. Контрактдинди гъуллугъ аплури, Маншаллагъдин гъамус къад йис тамам шула.

Украинаийь спецоперация ккебгъу йигъланмина душваъ гъуллугъ аплура. Улихъна йигъари Маншаллагъди гъуллугъ аплураийи частнаан мугъан дадаийн адресназ Чухсагзулин кагъаз гъафну. Думу кагъзик гъамцдар гафар дидикӀна: «Гъюрматлу вуйи Айниса Загъировна! Ич асас тӀайинвалин 40-пи жаради вуйи отряддин вари военнослужаийирин ва командованиеийн терефнаан гъамцир бай тербияламш аплбаз увуз ахъю чухсагзул мялум аплурача. Маншаллагъди, Украин халкъ нацистарихъан азад аплбак пай киври, Запарожский областдиь гъуллугъ аплура. Чав гъуллугъ аплураийи вахтна мугъу женгнан месӀлийр гъял аплбаъ учв нумуналу эскерси улупубтӀан савайи, заан эдеблувал айи ватандашси ва Ватандин лайкълу ватанперверси улупура. Женгнан юлдшариз му нумуна ву. Мицир бал инди учвхъан уткан



хъуз шулчвухъан».

Балин адресназ вуйи чухсагзулин гафари, гъелбетда, бабанси, багахълуйиринра, ватанагълийиринра юкӀв шад аплуру. Айниса Къаибоваийи чан жилир Къаиб Къаибовдихъди ахъю ва албагу хизан яратмиш гъаплӀну. Дурариз хъур велед-юкъур бай ва сар риш айи. Баяр-шубар бицӀиди имиди Айнисайин жилир кечмиш гъахъну. Веледар ахъю ва тербияламш аплуб бабан гъюнарийн алабхъну. Думу пашманвал ярхла хъайиз Айнисайин къюр байра жикъи вахтан арайиь уърмиан гъушну. Дердери ккагъуз гъудрузди, дугъу, чаз алабхъу ляхин тамам аплури, багъ-бахчайин, хизандин мяишатдин ляхнар аплури, чан бицӀидар арайиз адагъну, гъарсариз чпин кӀваз хуш вуйи пишейин эйсийр хъуз чахан шлу кюмек тувну, хал-хизан ккебгъну. Гъамус думу сар-швнур хтулин ахъю баб духъна. Чан веледарин, хтуларин хъуркъувалар дугъанра шадвал ва хъуркъувал ву. Гележегдиьра дугъан хизандиь ужувлар ва хъуркъувалар артухъ ишри.

Фарзилат РАЖАБОВА.

Ихъ район - шубубпи йишв`ин

«Табасаран район» МР-ин Глава Мягъямед Къурбановдин регъберваликкди 4-пи апрелиь кӀули гъубшу консолидированный бюджетдин гъазанжарин пай артухъ аплувалиан ведомствийрин арайиь вуйи комиссияийн заседаниеийь РФ-ийн ФНС-ийн РД-ийь айи Управленийийн аналитикаийн отделин начальникдин заместитель Динара Алдероваийи гъаму йисан 1-пи кварталдиь налогар буржлуди вуйидарин къадар цӀиб аплувалиан ихъ район 3-пи йишв`ин аливаликан гъаплӀну. Дугъу гъацара АЗС-ариан, туризмийн объектариан, ресторана-риан, банкетдин дараматарин, супермаркетариан ерли бюджетдиь налогар тувра-йивал къайд гъаплӀну. Дугъан гафариинди, лихурайидарин финансарин анализ гъаплӀган, саспи ахъю предпринимателарин налогарин гъагъ цӀиб вуйиб агъю шулу.

Гъаддихъди алакълалу вуди, Мягъямед Къурбановди ведомствий-

рин арайиь вуйи комиссияийн членариз тасдикъ дапӀнайи пландиь асас райадминистрацияийн, полицияийн отделанин ва налогарин органариан вакиларихъди сатӀиди багахъ шубуб вазли гъар гъафтайиь предпринимателарин объектариан ахтармиш`валар гъахуб табшурмиш гъаплӀну. Дугъу гъацара гъарсаб 10 объектдин списокар аплуз ва дура-рикан вуйи мялуматар гъар вазли ахтармиш аплуз ва, 2-пи квартал ккудубкӀган, гъаплу ляхнин гъякъ-гъисаб аплуз табшуругъ тувну. ДумутӀанна савайи, дугъу душвариь лихурайи пишекрарра гъисабнаъ айидарихъди теуб, дурари маважиб конвертариьди адабгъураш, ахтармиш аплуб ккун гъаплӀну. Хусуси ахъю предпринимателар гъитну, налогар тувру имбударикан райондин бюджетдиь тувру налогарин къадар артухъ аплуб ккун аплуб дюз гъюрдар, гъаплу дугъу.

У. АБДУЛКЕРИМОВА.

«Гъалибвалин ирсчйир»

Табасаран райондиь «Гъалибвалин ирсчйир» кӀуру ватанпервервалин тамашийин сабпи этап кӀули гъубшну

4-пи апрелиь Табасаран райондин Хючна гъулаь централизованый библиотекаийь «Гъалибвалин ирсчйир» кӀуру ватанпервервалин тамашийин сабпи этап кӀули гъубшну.

Думу викторина Ватандин Ахъю дьвдин 80 йис хълаз тьлукъ вуди, Дагъустандин Глава Сергей Меликовдин кюмекниинди кӀули гъябгъура.

Серенжемдиь райондин образованиийн тешкилатариан 20 команда иштирак гъахъну. Думу тамашийин тешкилатчи ихъ райондин образованиийн управление вуйи.

Думу талитарь юкъуб этап а. Душваъ Ватандин Ахъю дьвдикан ва СВО-ийь иштирак шулайидарикан, дурадин клубнаваликан ктибтуру. Сабпи этапдиь Ватандин Ахъю дьвдин асас гъядисйирикан

30 суал айи, дурари камандйирин гъязурвал ва агъювалар ахтармиш аплуз мумкинвал тувнийи. Гъарсаб суалназ 40 дакъикъайиь жаваб тувну ккундийи. Думу тамашийи ккудубкӀбан къяляхъ жавабар кайи думу бланкйир Мягъячгъала шагъриь ахтармиш аплуз хъадаъну. Тамашийин къюбпи этап апрелин 11-диь, хъа шубубпи этап 18-пи апрелиь кӀули гъягъиди. Шубуб этапдиь ахъю баллар гъахъи командйири ихъ район республикаийн дережайиь улупиди.

Думу тамашийин финалин этап Мягъячгъала шагъриь «Урусат – йиз тарих» кӀуру тарихдин паркдиь кӀули гъябгъиди. Душваъ Дагъустандин варитӀан гужли командйир иштирак хъиди. «Гъалибвалин ирсчйир» кӀуру интеллектуалин тамашийи командйирин агъювалар ахтармиш аплбахъди сабси, ихъ ахъю насларин игитвалар, тарихи ирс кӀваин хуру.

У. Къурбанова.

ОБЪЯВЛЕНИЕ

Управление Россельхознадзора по РД информирует о наличии очага на территории РД опасного карантинного вредителя - коричнево-мраморного клопа.

Коричнево-мраморный клоп - опасный многоядный карантинный вредитель. Распространяется с помощью транспортных средств и с грузами, саженцами и растениями. Выявляются визуальным методом. Насекомое размером 12-17мм, коричнево-серое или сероватое. Характерной особенностью является наличие светлых колечек на усиках.

В целях предотвращения распространения на территории района, главам муниципальных поселений, сельхозпроизводителям района необходимо, в случае обнаружения этого вредителя, немедленно информировать МБУ «Отдел сельского хозяйства» муниципального района «Табасаранский район» или сообщить управлению Россельхознадзора по РД по телефону: 8(8722)621614

Врио директора МБУ «ОСХ» МР «Табасаранский район» Аваев А.Н.

Мал-къара уьбхювал цӀиб шула

Улихъди, гъулан шараитарийь яшамш шули, мал-къара уьбхюдарш, аьйиб аплуйи. Думуган гъулаъ яшамш шулайи 95 процентдилан зина агъалйири мал-къара, шюхъяр урхюйи. Гъулаъ ахъю маларин, чарвийрин, йицарин, кӀларар-кӀирхъарин жа-жаради лижар ади шуйи. Лижакъ габан хъайи вахтарра шуйи, габан хъадарш, гъулан агъалйир лижакъ нубатнахъди гъягъюйи. Гъадму къадар мал-къара уьбхюрайи гъулан секи вари кевшанар, гъирагъ-бужагъ элебкуну, тартиб аплуйи. Гъеле шагърарин гъирагъарихъ яшамш шулайидарира кмиди мал-къара уьбхюйи. Гъи ихъ гъулан агъалйир шагърин агъалйирси духъна, яни мумкинвал ашра, мал-къара уьбхювал зяиф дубхъна.

Му месӀлайин гъякънаан улихънаси ВЦИОМ-ийн пишекрари Урусатдин 18 йислан зина яшнаъ айи 1600 касдихъан телефондихъан гъерхбар гъаплӀну. Гъерхбарин мялум шулайиганси, эгер Урусатдиь хусуси секторийь вари сабишв`инди гъисабназ гъадабгъиш, мал-къара уьбхюрайидарин къадар цӀиб ву, яни хусуси секторийь мал-къара уьбхю-

вализ цӀибтӀан фикир туври имдар. Статистикаийн улупбарин мялум шулайиганси, варитӀан гизаф мал-къара Кафари-Къавкъаздин федералин округдиь уьбхюрайивал гъисаб шула.

ВЦИОМ-ийн улупбаринди, уьлкейин агъалйири хулаъ хуйир, гатйир ва жара нахшар уьрхювал артухъ дубхъна. Мисалназ, уьлкейин гъарсар къюрпири гатйир (49 процент), гъарсар шубурпири хуйир (34 процент), 14 процент агъалйири жара гъяйванатар, экзотикаийн ва бицӀи гъяйванатар, балухар ва жорбежур жакъвар уьрхюра. Хулан гъяйванатар, чпиз айи мумкинвалариз дилигну, уьрхюру. Мисалназ, хуйир шагъриьнаритӀан гъулан агъалйири артухъди уьрхюру. Гъуларийь хуйир гизафси марччлихънари чпин марччар, фермерари ахъю малар айи фермиер уьрхюз ва агъалйири хуларин гъаравларси уьрхюру, хъа шагърарийь хулан гъяйванатарси. Гатйирра гъулан агъалйири гизаф уьрхюра. ВаритӀан гизаф гатйир Къибла ва Уралин федералин округарийь яшамш шулайи агъалйири уьрхюрайиб гъисаб шула.

Дупну ккундуки, ихъ

райондин агъалйирира аьхиримжи йисари гатйир уьрхювал артухъ дубхъна. Гъяйифки, агъалйири гатйир уьрхюз ккунду, хъа дураар артмиш хъуз хъюгъиган, гатӀахурира ву. Ухъуз мялум вуйиганси, аьхиримжи йисари гъуларийь ахъю уршвлар духъна. Чпиз лазимди имдру гатйир гъуларин агъалйири, жара гъуларийь ерлешмиш духънайи уршвларинна духну, дирчру, мистарин багахъра дирчру вахт шулу. Хъа райцентриз хрударин къадар варитӀан ахъюб ву. Дурари гъамци кӀуру: «Хючнаъ ипӀруб-ухруб гъязур аплуру йишвар гизаф а. Гъаддиз дураар мушваз хури шулча».

Улихънаси Цалак мягъялиан гъачӀнин узу ляхнинз гъюрариган, къялан кючейийь ерлешмиш дубхънайи булагъдин багахъ заан гъуларин вуйи къялан яшарин агъалйири чан машин дебккнийи. Учу, къюр-шубур дишагъли, гафар аплури дийигънайича. Учухъинди лигури, думу жилири, машиндиан сабшишал адабгъну, булагъдин багахъинди дид`ан йицӀубдихъна гатдин баяр адахъну, чан машин хъаплуз хъюгъю. Думуган учу, думу дерккуну, гатдин баяр думуз гъитну, къяляхъ

гъахуз гъитнийча. Дугъу дураар Хючназди хъади гъушнийи. Дугъан думу гъяракатдиз ич ниразивал улупнийча. Дугъу гъамци гъаплӀнийи: «Гатдин му баяр мистахъна, Хючна кафеяр хъайи йишварихъна гъягъиди, аьхир». Мицдар «дирбаш» агъалйир ихъ арайиь хайлин а. Гъайгъу зигуз шулдарш, хулан гъяйванат уьбхюз кӀул ин гъадабгъну ккундар. Хъа ихъ фици шулу? «Анжах йиз хулаъ дарди ибшри, наан вушра...». ДицӀиб гъайгъусузвали ихъ кючйир эйси хътру гатйири ацӀна, хуйирикан улхурира дархъа.

Мал-къарайикан улхуруш, думу месӀлара тариф аплуз шлу гъялнаъ адар. Дюз гъапиш, агъалйири улихъдитӀан гъамус артухъди шюхъяр уьрхюз хъюгъна, хъа малар, чарвийр уьрхювал лап зяифди ву. Уьрхюрайидарин мал-къарара аьхирихъси гъуларин уршвларин ал. ЧӀурдиз мал-къара гъябгъюри имдар, гъаз гъапиш ихъ алверин точкйириь, кафеяриь уч гъабхъи, чӀур духънайи продуктар ихъ кючйириь, гъулан гъирагъбужагъдиь гизаф а.

Гъязур гъаплуру Угълангерек АБДУЛКЕРИМОВА.

